

բարդ կառուցվածքների խումբը, որտեղ նկատվում է Վահանավանքի ճարտարապետութւյան օղակցութւոյնը, օղակված է հաստ պարիսպներով: Ներս մրտնելու համար կար միայն մի դարպաս, այժմ իր փեղկերից վաղուց զրկված մի լայն բացվածք: Հաստ և հիմնավորապես ու մեծ խնամքով արված պատերով է շրջապատված եղել և Կարմիր վանքը՝ Ղրզըլ վանքը, այժմյան Արծվանիկ՝ հին Երիցվանիկ գյուղին կոնակ ծառայող լեռան գագաթին, որը իր հիմնադրի անունով կոչվում էր Երիցվանք: Գյուղին էլ այսօր տեղացիք տալիս են Երիցվանիկ անունը, ոչ թե Արծվանիկ, որը ուսական քարտեզագիրները սխալ փոխ են առել թուրք բնակիչներից: «Եւ էր վանքն այն տեղի դեղեցիկ և զարմանատիպ ի վերայ բարձրաւանդակի միոջ շինեալ եկեղեցի... և պարսպեալ մեծամեծ քարամբք, և ի ներս ի պարսպին խցկունք թուով միայն 40»⁴¹: Վանքի պաշտպանութւյանը ծառայում էին ոչ միայն նրա պարիսպները, այլև անմիջապես արևմուտքից հրապարակը հատող ուղղահայաց լեռնակողը, որը գրեթե անվերելանելի է: Այդ լեռնակողի կրծքի միջին բարձրութւոյնով ձգվում է խորացած գոտու նման մի երկարացած քարանձավ՝ առջևից ամբողջովին բաց, վերևից լավային շերտով լայն ծածկված: Այդ քարանձավը հաճախ պատսպարել է իր մեջ Երիցվանիկի գյուղացիներին: Նրա մի անկյունում ցույց են տալիս մի խցիկ, որտեղ իբր թե ճգնավորական կյանք է վարել միաբաններից մեկը: Այդ փոքր քարայրը մինչև վերջին ժամանակներս ուխտատեղի էր:

Նույնպես պարսպապատ էր և Գորիսից դեպի հյուսիս մոտ քսան կիլոմետր հեռավորութւյան վրա գետեղված Միծենոնավանքը: Նրա պարիսպները սակայն ընդգրկում են փոքրիկ հրապարակ և կառուցված են շատ պարզ ձևով: Դա ավելի շուտ մի տնտեսութւյան բակը օղակավորող շրջապատ է, քան թե ամրութւոյն: Բոլորովին հակապատկեր են կազմում այն հուժկու կառուցումները, որոնցով շրջանի ամենամեծ և ամենագեղեցիկ, տեղական պատմական-քաղաքական և կուլտուրական կյանքի մեջ վճռական դեր կատարած, բարեպաշտների մեծաքանակ նվիրաբերութւոյններով ճոխացած Տաթևի վանքն էր իրեն ապահովում ռազմական վտանգների ժամանակ: Տարանցիկ բանուկ ճանապարհին հիմնադրված այս կայանը, որով Սառաանի կամրջի օգնութւյամբ հնագույն դարերից կապ էր պահպանվում Որոտնա (Բաղարշայ) գետի երկու ափերի միջև, բազմած է մի ապառաժոտ խոր ձորի սեպ ժայռերի գլխին: Այդ ժայռերով ոչ մի մարդկային ոտք չի կարողացել վեր ելնել խորխորատի անդընդից: Վանահոր բնակարանը և խուցերի մի մասի պատերը կազմում են այդ ձորի կողի անմիջական շարունակութւոյնը՝ իրենց պատշգամբներով ձորի գլխին կախ ընկած: Այդ ձորը փորել է մի վտակ, որը Սառաանի կամուրջից ներքև թափվում է Որոտնա գետի մեջ, նրա հետ կազմելով մի բարձրադիր հովանդան: Հրվանդանի մյուս կողմը գոտեվորված է հաստ պարսպով, որի պաշտպանական հարմարութւոյնները ուժեղացված են չորս աշտարակներով: Կառուցողը առանձին ուշադրութւոյն է դարձրել դարպասը պաշտպանելու վրա և այդտեղ գետեղել է և՛ ամենամեծ, և՛ ամենագեղեցիկ ու նրբատաշ քարաշարաշտարակը⁴²: Արևմտյան պարիսպի մեջ բացված դուռը նոր կառուցվածք է: Ամրութւոյնների ամբողջութւոյնը տալիս է վանքին պատկառելի բերդի տեսք:

⁴¹ Օրբէլեան Ստ., անդ., գլ. Ի, էջ 75:

⁴² Ալիշան Ղ., Միսական, էջ 242—244: